

dua, ita si plures homines apprehendant præcisive naturam, hec evadit multiplex ex multiplici conceptu diversorum hominum.

Minor etiam patet, quia tunc, multiplicatis unitatibus universalibus, multiplicantur species ipsæ. Ita ergo erunt plures humanae species, plures animalitates etc...

Resp. neg. Maj. Universale enim est concretum accidentale. Concreta vero accidentalia non multiplicantur ad multiplicationem formarum, si idem perseveret subjectum. Sic paries, etiamsi plures accipiat albedines, non fit plura alba; nec homo, etiamsi calleat plures artes, reddit plures artifices; nec objectum, etiamsi videatur a multis hominibus, potest denominari multiplex; nec Deus, mille cognitionibus apprehensus, est multiplex, sed unus milles cognitus. Idem dic de universalis; erit nimurum a multis formatum, non vero multiplex.

Probationem Majoris simili modo *distinguo*; si forma illa sit intrinsica subiecto ipsi, *cone.*, si sit extrinseca, *neg.*

Et *neg.* paritatem consequens. Nam unitas individualis intrinseca est subiecto ipsi ac substantiali; ideo nihil mirum si illa multiplicata, multiplicentur quoque ipsa individua (1).

Instabis. Universale est essentialiter unum, cum definatur unum aptum inesse pluribus. Ergo nequit esse unum extrinseca unitate.

Resp. dist. antec.; universale *adæquate* ac *formaliter* sumptum, *cone.*, *inadæquate* et fundamentaliter vel specificative sumptum, *neg.*

Dist. conseq.; nequit esse unum unitate, quæ sit extrinsea universalis *adæquate* sumpto, *cone.*, fundamentaliter sumpto, *neg.*

Universale *adæquate* et *formaliter* consideratum est totum concretum ex natura et forma universalitatis. Et quoniam huic concreto, prout tali, *essentialis* est forma universalitatis, ideo est etiam illi *essentialis* illa unitas intentionalis. Hoc tamen non vetat, quominus ea unitas ac forma universalitatis extrinseca sit prorsus et accidentalis nature ipsi,

(1) Vide apud Suar., disp. 6. *Metaph.* sect. 3, n. 9, 11, 12; Co-nimbric. loc. cit. q. 4, art. 5.

quæ denominatur universalis, et est dumtaxat subjectum illius concreti. Sicut etiam concreto *cognitum* vel *visum* intrinseca et *essentialis* est *cognitio* vel *visio*, quæ tamen extrinseca est ipsi rei, quæ cognoscitur vel videtur.

Obj. 3.^a Objectum a conceptu nequit accipere unitatem. Ergo non fit universale per operationem intellectus.

Antecedens patet, quia potius e converso ipse conceptus habet unitatem ab objecto, cum tendat in illud tamquam in terminum suum.

Resp. neg. antec., et probation. *dist.* Conceptus habet ab objecto unitatem *fundamentalem*, quæ consistit in similitudine plurium, *cone.*, actualium, propriam universalis, *neg.*

Nam cognitione desumit ab objecto unitatem tamquam a fundamento, objectum vero accipit unitatem a cognitione tamquam a forma.

Instabis. Universale præ se fert non modo unum conceptum formale, sed etiam objectivum. Ergo debet supponere unitatem objectivam.

Resp. neg. conseq. Nam quamvis objecta sint multa in se, dummodo similitudinem habeant secundum essentiam, sufficiens præbent fundamentum intellectui, ut unum conceptum, tum formale tum objectivum, elicit, cognitionem nimurum, qua referat indivisam essentiam illam, in qua plura illa individua convenient ratione sue mutuae similitudinis.

Obj. 4.^a Universale est objectum scientiarum. Sed objectum scientiarum reale est, nec fit a mente. Ergo...

Resp. dist. Maj. Universale fundamentaliter sumptum, *cone.*, *formaliter*, *neg.* Et *contradistincta Minore*, *neg. conseq.*

Obj. 5.^a Si cognitione, eu quod una est, denominat unam atque universalem naturam in se multiplicem; non minus poterit, quia ipsa in se est singularis et spiritualis, naturam quoque singularem et spiritualem denominare. Atqui hoc absurdum est. Ergo non sufficit extrinseca illa cognitionis unitas ad universale constituendum.

Resp. neg. Majorem, quæ, si quam vim haberet contra doctrinam expositam, non minorem haberet contra communem omnium sensum. Nam si omnis denominatio conveniens ipsi conceptui refunderetur ac derivaretur in objectum, cur objecta cognita non vocantur accidentia, sicut accidentis

est ipsa cognitionis? Cur non vocatur unum individuum objecta plura, quae simul una cognitione attinguntur?

Itaque duo genera praedicatorum distinguenda sunt in cognitione, alia quæ ipsi convenient in essendo, alia quæ convenient in repräsentando. Et praedicta primi generis, qualis est spiritualitas cognitionis, non refunditur in objec-
tum, qui sub hac ratione conceptus non supponit pro ob-
jecto. Verum praedicta, quæ convenient cognitioni in repre-
sentando, refunduntur in objectum, quia sub hac ratione
conceptus mentis objectivus supponit pro objecto (1).

Obj. 6. Si universalis fieret ab intellectu, natura prout est in intellectu, foret universalis. Atqui natura prout est in intellectu singularis est. Ergo...

Minor probatur. Nam natura, prout est in intellectu, est ipse conceptus objectivus intellectus. Conceptus autem ejus-
modi, utpote physicum ac reale accidens mentis, verissime singularis est. Ergo...

Resp. dist. Minor. Subjective atque entitative considerata,
cone, objective ac repräsentative, *neg*. Et similiter distinguo probationem.

Hac est doctrina S. Thomæ: *Et quamvis ab ipsa anima recipiat (natura) rationem universalis, tamen non est in ipsa secundum suam essentiam, sed secundum suam similitudinem et speciem. Unde et Philosophus ait: Lapis non est in anima, sed species lapidis. Hac autem similitudo sive species existens in anima, est una numero, et est singularis. Ejus autem universalitas, non est ex hoc, quod est in anima, sed ex hoc, quod compa-
ratur ad multa singularia se habentia opinata* etc. (2).

Objic. 7. Secundum nos natura in se multiplex ideo redi-
ditur universalis, quia unica cognitione apprehenditur. Atqui hoc absurdum est, secus enim collectio plurium rerum, quæ simul repräsentantur in cognitione, universalis foret. Ergo...

Resp. dist. Major. Secundum nos natura ideo universalis redditur, quia unico actu mentis apprehenditur utcumque,

(1) Cfr. Anton. Mayr. *Philos. perip.*, part. 1, n. 512; Llossada *Logic.* tract. 2, disp. 2, cap. 3, n. 11.

(2) S. Thom. Opusc. 1.^a de *Universalibus*. Recole alia loca superius adducta ex eodem S. Doctoro.

neg., quia uno actu mentis a multitudine omnię diversitate individuali prescendentis, *conc.*

Et *contradist.* Minore, *neg.* conseq.

Vide quantopere discriminentur hi tres conceptus: *Unus homo*, vel: *Hic homo*; *Omnis homines*; et: *Homo*. Primus refert unicūm individuum objectum, alter multa individua, notando illorum multitudinem; unde neuter eorum universalis est, nec reddit objectum suum universale. Tertius denique exprimit naturam, quæ revera multiplex est in individuis existentibus, sed non exprimit multitudinem aut varietatem individualium eorumdem. Et nihilominus ratio illa, quam talis conceptus refert, quoniam est id, in quo omnia individua similia sunt, et inter se convenient, revera in omnibus illis reperitur.

Et ideo illa ratio vel natura, prout in tertio illo conceptu repräsentata, dicitur et est universalis, utpote quæ refert aliquid actu individuum, et divisibile in plura: *actu*, *inquam*, *individuum*, prout est in mente, quia repräsentatur sine divisione ac multiplicitate individuorum; et *divisibile in plura*, quia reperitur in pluribus individuis multiplicata in rerum natura, vel certe reperiri potest.

ARTICULUS IV.

De causa efficiente universalium.

173. Supponimus, alias potentias cognoscitives præter intellectum non posse facere universale; id quod in tractatu de Anima disputandum est (1); intellectum vero esse causam efficientem universalis, satis, opinor, ex hactenus probatis eluet. Modo videndum est, per quem actum intellectus confletur universale, per abstractionem seu præcisionem, an per comparationem.

Ut porro quædam melius intelligatur, supponenda sunt quædam ex eodem tractatu de Anima circa modum, quo

Status questionis.

(1) Vido interea, si lubet, P. Joann. Ulloa, *Logic.*, disp. 2, cap. 3; Anton Mayr., *Philos. perip.*, part. 1, disp. 3, q. 1, art. 7, aliosque.

intellectus procedit in suis cognitionibus. Quemadmodum sensitiva facultas ad actum suum indiget determinatione aliqua, qua ab objecto proveniat, et vocatur *species sensibilis*; ita etiam intellectui sua opus est *specie intelligibili*, qua fecundetur ac determinetur ad actum suum ponendum. Hoc tamen interest inter utramque speciem, quod sensibilis ab ipso corporeo objecto imprimatur, intelligibilis autem propter suam et intellectus immaterialitatem imprimi ab objecto nequeat. Itaque ad intelligibilem speciem gignendam adest in ipsa potentia intellectiva virtus quædam *activa*, qua *intellectus agens* denominatur, quæque, ad præsentem et cum concurso phantasmatis seu representationis ab imaginatione efformate, producit speciem illam, cuius ope virtus intellectus *cognoscitiva* (*intellectum possibilem* vocant) objectum in cognitione sensuum et phantasie relucens spiritualiter intelligit, ac representat.

Operatio intellectus agentis, qua species intelligibilis producitur, *abstractionem* vocatur, quia videlicet per eam ex phantasmate materiali abstrahitur species immaterialis seu spiritualis. Quin etiam in sententia plurium Philosophorum species per intellectum agentem abstracta solum potest saltem primo et directe determinare ad cognitionem naturæ universalis sine notis individuantibus; quapropter secundum hos autores alia quoque est ratio, cur operatio intellectus agentis nuncupetur *abstractionem*, nimurum quia ex phantasmate materiali objecti individui abstrahitur species intelligibilis spoliata non solum a materialitate entitativa, sed etiam a materialitate representativa notarum individualium.

Præter hanc abstractionem seu productionem speciei intelligibilis, que non est cognitio, datur alia abstractione cognoscitiva, seu cognitio præcisiva, quam sepius in superioribus meminimus, que aliud non est, quam cognitione representans naturam rei, non representans notis individuantibus.

Jam intellectus facultate gaudet, ut postquam naturam aliquam absque notis individuantibus cognovit, in se redeat, ut ipsum actum consideret; in qua reflexione *comparare* potest naturam sic præcisive cognitam, seu in cognitione præcisiva reluentem, cum individuis, ut videat num in illis insit, deque eisdem prædicari possit. Hæc porro comparatio

*Species
sensibilis et
intelligibilis:*

*intellectus
agens,*

et possibilis.

*abstractionem
intellectus agentis;*

*abstractionem intel-
lectus possibilis;*

comparatio

bifariam fieri potest: vel per meram apprehensionem, et vocatur simplex comparatio, vel per actum judicii attribuendo naturam individuis, et vocatur comparatio composita.

Hisce prænotatis, quæstio proposita hæc est, utrum universale efficiatur per abstractionem, sive intellectus agentis producentiam speciem intelligibilem, sive intellectus possibilis rem sine notis individualibus representantis, an vero per comparationem mox subsequentem, qua natura sic intellecta individuis confertur, et in illis inesse deprehenditur. Et sunt plures opiniones, ut videre est apud Eximum Doctorem (1) aliosque autores. Alii enim requirunt comparationem, alii abstractionem sufficere arbitrantur, ut plene constitutatur universale; alii demum ad universale logicum et prædicabile habendum requirunt comparationem, minime vero ad metaphysicum et in essendo. At quoniam et abstractio et comparatio, ut jam præmonimus, duplices generis esse potest, rursus in variis alias sententias scinduntur prædicti autores.

Prima itaque opinio est illorum, qui putant sola intellectus agentis abstractione jam constitutum remanere universale. Quæ tribu solet Dominico Soto (2), Zumel et aliis (3), qui non uno in loco favere sibi putant S. Thomam (4). Quamvis Sotus revera non abstractioni præcisive intellectus agentis, sed generatim abstractioni tribua constitutionem universalis; quare potius stare videtur pro secunda opinione.

Secunda sententia tenet universale plene ac formaliter effici per abstractionem intellectus possibilis, nempe per cognitionem præcisivam. Ita docent Durandus (5), Toleatus (6), Hurtadus (7), Rhodes (8), Sylvester Mauri (9), An-

*Declaratur
controversia.*

Prima opinio:

secunda:

(1) Disp. *Metaph.* 6, sect. 6.

(2) In *Porphyrii Isagoge*, de *Universali*, quæst.

(3) Apud Suar., loc. cit., Bartholom. Amici, *Logic.*, tract. 4, dub. 6, art. 2.

(4) In locis inferiori citandis.

(5) 1.^o Dist. 3, quæst. 5, n. 27; et 2.^o Dist. 3, q. 7, n. 12.

(6) *De Universal.*, q. 2 art. 3.

(7) *Metaph.*, disp. 5, sect. 8.

(8) *Philos. perip.*, lib. 4, disp. 3, quæst. 3, sect. 4.

(9) *Quæstion. philos.*, tom. 1, quæst. 33.

dreas Semery (1), Antonius Mayr (2), Ludovicus Lossada (3) aliquie Nostri satis communiter, et quidam Thomistæ (4). Et pro hac sententia adducuntur plura testimonia Doctoris Angelici.

Alli putant abstractione, etiamsi ea sit intellectus possibilis, effici non posse nisi universale metaphysicum, quod nondum sit universale in actu, formale et completum, sed solum fundamentale et in potentia proxima: itaque ad universale formale habendum necessariam esse comparationem simplicem. Hæc est sententia Scoti (5), et Scotistarum (6), eademque frequenter tenetur a Thomistis (7); inter Nostros vero a PP. Antonio Rubio (8), Bartholomeo Amico (9), Antonio Bernaldo de Quiros (10) et Cosmo Alamannio (11). Aliquisbus etiam innominatis scriptoribus tribuitur a quibusdam opinio requirens comparationem compositam ad universale constituentem.

Verum inter has sententias præcipue sunt secunda et tertia, quas in concordiam revocaret, medianam quendam excoigitavt Suarez, duplex distinguens universale, alterum absolutum, alterum relativum; nam licet a nobis passim natura universalis concipiatur, prout relationem actualem importans ad inferiora, non tamen ideo necesse esse dicendum est, omne universale essentialiter relativum esse, quin possit dari universale in essendo absolutum. Certum enim est, relationem illam, quam in universalis considerare solemus, non realem esse, sed rationis. Quot autem sunt res, quas tamquam relatives nos cogitamus, cum tamen secun-

quarta media
in concordiam
revocans
secundam
ac tertiam.

- (1) *Trienn. philos.*, t. 1, disp. 2, q. 6, art. 1.
- (2) *Philos. perip.*, part. 1, disp. 3, q. 1, art. 3.
- (3) *Logic.*, tract. 2, disp. 2, cap. 6.
- (4) Apud Lossad., loc. nup. cit., et cap. 9, n. 4.
- (5) Lib. 7. *Metaphysicor.*, q. 11.
- (6) Vide illos apud Suar., disp. *Metaph.* 6, sect. 6, n. 5; Mastrium in *Organon Arist.*, disp. 4, q. 3; Pontium, *Logic.*, disp. 3, q. 6; Dupasquier, *Logic.*, disp. 3, q. 6.
- (7) Apud Complutenses, *Logic.*, disp. 3, q. 6, n. 54.
- (8) *Logic. De Universal.*, q. 5 et 6.
- (9) *Logic.*, tract. 4, dub. 6, art. 3.
- (10) *Curs. philos.*, tract. 2, pars. 2.^{us}, disp. 20, sect. 2.
- (11) *Summ. philos.*, prim. part., quest. 2, art. 5.

dum se sint absolute? Talis est v. gr. ratio Creatoris in Deo, quæ in se quidem absoluta res est, a nobis tamen percipi nequit, nisi per modum cuiusdam relationis. Ita ergo duplex universale agnosciri potest, alterum absolutum importans naturam cum sua unitate et aptitudine ad communicationem, in qua fundari possit relatio rationis, quam postea singlit intellectus in universali, et alterum relativum, nempe eamdem illam naturam, prout actu affectatam hujusmodi relatione per intellectum conficta. «Nec refert, quod hæc aptitudo (essendi in multis propria naturæ universalis) videatur per modum respectus explicari. Nam sicut in potentia reali intelligimus respectum transcendentalis et *secundum dicti*, priorem respectu predicationali *secundum esse*, et inclusum in re absoluta; ita in præsenti possumus concipere hanc aptitudinem rei universalis ut absolutam quidem in se, licet explicetur per modum respectus transcendentalis. Et hinc fit ulterius, ut hæc aptitudo, quia concipiatur ad modum potentiae habentis saltem transcendentalis ordinem ad ea, quibus se potest communicare, possit etiam intelligi ut fundamentum sufficiens ad relationem vel habitudinem ad ea, quibus potest se communicare, quæ habitudo concipiatur ut quædam relatio secundum esse, et dici etiam potest universalitas quædam, cum sit habitudo unius ad multa, in quibus esse potest, vel de quibus potest prædicari» (1).

Hac ergo præacta distinctione censem Eximus Doctor, universale quidem absolutum, quod vere ac formaliter universale dicendum est, effici per cognitionem præcisivam seu abstractionem intellectus possibilis, universale autem relativum egere comparatione. Hanc oppositarum sententiarum compositionem alii quoque secuti sunt, cum hoc tamen discriminem, quod universale absolutum et metaphysicum nolint esse veri nominis universale, sed solum fundamentale et in potentia proxima. Triplex namque placet illis distinguere universale, *physicum*, *metaphysicum* et *logicum*. *Physicum* ajunt esse universale prout in individuis reperitur, illudque volunt esse in potentia remota. Universale metaphysicum vocant naturam

Quidam
distingunt
triplex universa-
le: *physicum*,
metaphysicum
et *logicum*.

(1) Suar., disp. *Metaph.* 6, sect. 6, n. 8. Cfr. *de Anima*, lib. 4, ap. 3.

abstractive cognitam, quam dicunt esse universale in potentia proxima: universale denique logicum est universale in actu et formale, illudque putant efformari non posse sine comparatione (1).

Alli etiam alias meditati sunt vias componenti praedictas sententias, ut videre est apud P. Bartholomaeum Amicum (2) et Joannem a S. Thoma (3). Id quod satis ostendit rei hujus difficultatem.

174. PROPOSITIO 1.^{um} Ad universale veri nominis constitutendum, absolutum nempe, nulla requiritur comparatio, qua natura reflexe conferatur suis inferioribus, in iisque inesse deprehendatur per identitatem, sed sufficit sola abstractio.

Assertio haec in qua nondum determinatur, quænam abstractio sit causa universalitatis, communissima est inter nos tristis Auctores, earumque traditam certissime esse a S. Thoma et Aristotele scripsit Dominicus Sotus (4).

Sane a) sepe S. Thomas explicans modum, quo universale efficitur, solius meminit abstractionis, silet penitus comparationem (5). Oportet, inquit, *quod universale sit universale propter praedicantem unitatem* (inde exortam quod plura uno conceptu exprimantur modo jam superius declarato), *ita quod natura talis cognitio* (i. e. præcisiva) faciat universale esse in actu universale, et est quoddam formale in universalis (6).

Item: *Una et eadem natura, quæ singularis erat et individua, efficitur postea universalis per actionem intelle-*

Auctoritas
S. Thome.

(1) Cfr. apud Suar., disp. *Metaph.* 6, sect. 6, n. 5; *de Anima*, lib. 4, cap. 3, n. 22.

(2) Loc. cit. tract. 4, quest. 4, dub. 6, art. 2.

(3) *Logic.*, quest. 4, art. 2.

(4) Loc. cit., quest. 3, *Duo restant hic dubia*.

(5) Vide: p. q. 85, art. 2 ad 2.^{um}; art. 3, ad 1.^{um} et 4.^{um}; r. p. 86, art. 1; 1. 2. q. 29, art. 6, ad 1.^{um}; 2.^{um} Dist. 17, quest. 1, art. 1, fin; corporis; *Metaphysicor.*, lib. 7, lect. 13, paragr. b; lib. 11, lect. 2 initio; Opusc. *de Ente et essent.*, cap. 4; *De Natura generis*, cap. 5; 1.^{um} *Contra Gentes*, cap. 26, arg. 4.^{um}

(6) S. Th. Opusc. 2.^{um} *de Universal.*, non procul ab initio.

ctus depurantis ipsam a conditionibus, quæ sunt hic et nunc (1).

Et alibi: *Naturæ communi non potest attribui intentio universalitatis, nisi secundum esse, quod habet in intellectu; sic enim solum est unum de multis, prout intelligitur præter principia, quibus unum in multa dividitur* (2).

Præterea: *Intellexus... noster... intelligit abstrabendo speciem intelligibilem ab ejusmodi materia* (individuali nempe). Quod autem a materia individuali abstrahitur, est universale (3).

Addit insignem locum Auctoris *Summae totius Logicae Aristotelis* (4) superius laudatum (5). Jam

Probatur propositio ratione, 1.^{um} Ad universale nihil amplius requiritur, ut ex ejus definitione patet, quam unitas et communitas. Atqui unitas et communitas, quanta in hac materia sufficit, habetur in natura abstracta, antequam cum inferioribus comparetur, in iisque inesse deprehendatur. Et ita in superioribus unitatem et communitatem propriam universalis, absque ullo recursu ad actualem comparationem naturæ abstracte cum individuis, declaravimus. Ergo...

Dices cum P. Alamanno definitionem illam, qua universale dicitur unum aptum inesse multis, esse definitionem universalis fundamentalis, non vero formalis.

Resp. id verum non esse. Si enim illa est definitio universalis dumtaxat fundamentalis, cur ea passim ab omnibus adhibetur in hac materia? et cur ratio universalis a S. Thoma et ab aliis in unitate et aptitudine reponitur? Cur item ad probandum, quod universale formaliter non sit nisi in intellectu, omnes recurrent ad unitatem et communitatem, quam solum in intellectu habere natura potest?

2.^{um} Natura prout abstracta antecedenter ad quamlibet actualem comparationem cum inferioribus habet totam illam unitatem et communitatem, quam Platonici tribuebant suis

Probatur
propositio
ratione.

(1) S. Th. Opusc. 1.^{um} *de Univers.*

(2) S. Th., lib. 2.^{um} *de Anima*, lect. 12.

(3) S. Th., 1. p. q. 86, art. 12.

(4) Tract. 1, cap. 1.

(5) In fine num. 170.

illis formis separatis, quarum participatione coalescere individua dicebantur. Atqui formæ illæ, si possibles forent, formaliter universales essent, quandoquidem ab omnibus Philosophis afferuntur tamquam exemplum universalis realiter extra mentem existentis, et ob eam causam confutantur. Ergo ad universale vere ac formaliter in intellectu habendum sufficit abstractio.

3.^o Comparatio naturæ præcisivæ cum individuis, jam supponit illam universalem formaliter. Ergo necessaria non est ad verum universale plene constitendum.

Prob. antec. Nam actus comparandi nihil tribuit rebus ipsis comparatis, sed tantum detegit, quod in iis habetur. Quare cum natura abstracta comparatur cum individuis, vel adest in illa universalitatis ratio vel non. Si non adest, certe neque per comparationem aderit. Si jam adest, ergo non efficit universalis per comparationem, sed agnoscitur dumtaxat. Aliud autem est efficere universale, et aliud agnoscere jam factum.

Cæterum quoniam sit objectum cognitionis constituentis universale, fuse disputat P. Ludovicus de Lossada (1).

175. Quæri autem nunc potest, per quam abstractionem fiat universale absolutum, per agentis an per possibilis intellectus abstractionem. P. Sylvester Mauri respondet per utramvis abstractionem fieri posse. (2).

Ex S. Thoma etiam produci possunt testimonia pro abstractione intellectus cum agentis, tum possibilis. Nam de agente videtur logui in Opusculo primo de *Universalibus* (3); et libro tertio de *Anima* (4) scribit, si universalia essent extra animam, sicut ea posuere Platonici, nullam fore necessitatem intellectus agentis: quæ doctrina traditur etiam in *Summa theologiae* (5). Unde videri potest ad intellectum agentem

Per quam
abstractionem
fiat universale.

Expenditur
mens
S. Thomas.

(1) *Logic.*, tract. 2, disp. 2, cap. 4.

(2) *Quæst. philosoph.*, tom. 1, quest. 33, ad quintum.

(3) Una et eadem natura, quæ singularis erat... efficiunt postea universalis per actionem intellectus depurantis ipsam a conditionibus, quæ sunt hic et nunc. Et clarius infra, Utrum autem universale sit prius quam singulare...

(4) Lect. 10 initio.

(5) 1 p. q. 79, art. 3.

spectare universalis effectio. Alia quoque laudantur S. Doctoris testimonia in patrocinium ejusdem opinionis, quæ universalis per abstractionem intellectus agentis conflare arbitratur (1); quæ tamen non sunt sat clara. Nec vero sententia illa S. Thomæ negant intellectus agentis necessitatem, si darentur formæ separatae Platonorum, quidpiam, opinor, probat in hac re. Nam platonici formas illas seu naturas universales non solum posuerunt per se separatas, sed præterea illas dixerunt secundum se intelligibiles *actu*; secus atque Aristoteles et S. Thomas, qui naturas rerum sensibiles negarunt esse secundum se intelligibiles *actu*, sed fieri intelligibiles per actionem intellectus agentis abstrahendo a phantasmatis species intelligibiles. Quare potuit recte negare S. Thomas, in sententia Platonorum necessarium esse intellectum agentem, etiamsi non huic attribueret effectum universalis; quia nempe cum intellectus agens adstratur ad reddendas intelligibiles actu naturas, quæ secundum se non sunt intelligibiles nisi in potentia, plane sequitur, si natura secundum seipso sint intelligibiles, opus non esse intellectu agente. Ergo ex illa assertione S. Thomas non necessario sequitur ipsum, ad constitendum universale, satis habuisse cum sola intellectus agentis abstractione.

Aliunde vero sepe S. Thomas abstractione intellectus possibilis, seu cognitione præcisiva fieri universale, perspicue docet (2). Præterea contra opinionem illam statuente universale fieri per abstractionem intellectus agentis notari potest:

1.^o Quod illa opinio supponat aliam sententiam non parum controversam de objecto primo et directo humani intellectus. Si enim primo et directe cognoscatur singularia, species illorum intelligibiles immediate abstrahendo, verum amplius non erit, quod natura fiat universalis per operationem intellectus agentis.

2.^o Deinde doctrina illius opinionis nequit extendi ad omne universale, sed solum ad universale naturæ specificæ;

(1) Vide S. Thom. 1, p. q. 85, art. 1, ad 1.^{um}, art. 3 ad 4.^{um} *Contra gentes*, lib. 2, cap. 77; 7.^o *Metaphysicorum*, lect. 13.

(2) Vide v. g. 1 p. q. 85, art. 3 ad 4.^{um}; art. 2 ad 2.^{um}; Opus. 2.^o de *Universal.*, Et ideo intellectus apprehendit...; 2.^o de *Anima*, lect. 12. Adde alia loca superius n. 170 laudata.

nam etiam in sententia eorum, qui ab intellectu agente species universalis naturae, non vero singularis, repräsentativas abstracti docent, intellectus iste per se naturæ specificæ dumtaxat species intelligibiles efformat. Ergo ad efformandum universale rationis genericæ ac differentiæ specificæ alio confugiendum erit (1).

3.^o Additum quod in specie intelligibili impressa, quæ ab intellectu agente abstractitur, non repräsentatur natura communis, nisi valde remote et mediate, quatenus illa species est effectiva actus, cui natura illa obicitur, saltem supposita sententia eorum, qui docent speciem impressam non esse formalem imaginem, quæ formaliter rem repräsentet, sed esse dumtaxat semen seu instrumentum objecti ad efficiendam formalem repräsentationem (2).

176. PROPOSITIO 2.^o Universale reflexe cognitum et prout importans relationem ad inferiora, constitui nequit nisi per actum comparationis.

Probatur. Nam universale realem relationem nequit habere ad sua inferiora, ut in confessu est apud omnes, siquidem universalitas est opus mentis, relatio autem realis independentis est in suo esse ab operatione intellectus (3). Atque relatio rationis secundum esse, actu nondum adest in universalis per solum actum præcisivum, adest autem per actum comparationis, quo natura præcisa cum suis inferioribus confertur. Ergo...

Minor patet quoad primam partem. Quia relatio rationis hoc sibi vindicat proprium ac peculiare, ut non adest, nisi dum actu cognoscitur, vel fingitur a mente, *esse* enim illius est *cognosci* (4). Et re quidem vera plerumque ut inter se relata concipiuntur duo extrema, vel quia altera ea nequamus intelligere, vel quia habent aliquod in re ipsa fundamentum ut relative concipientur, quamvis nullus eis insit realis re-

(1) Vide Suar., disp. 6. *Metaph.*, sect. 6, n. 6.

(2) Vide Suar., loc. cit., n. 7.

(3) Vide Summ. *totius Logicae Aristotelis*, tract. de relations, seu de predicamento Ad aliquid, cap. 1. Sed hac alibi probanda sunt.

(4) Vide S. Th., *Compend. Theol.*, cap. 53; 1 p. q. 28, art. 1; Suar., disp. *Metaph.* 54, sect. 3, n. 5, 6.

spectus. Ergo eo in eventu cognoscimus in illis extremis relationem quamdam, quæ aliud esse non habet, quam ab intellectu fingi et cognosci (1). Jam vero per cognitionem præcisivam nulla cognoscitur in natura relatio ad sua inferiora, sed solummodo predicata illa, quæ secundum se convenient eidein. Ergo...

Probatur Minor quoad alteram partem. Quia sicut relationes reales non agnoscuntur, nisi utrumque extremitum elatum considerando, ita etiam relatio rationis fingi nequit in natura præcisive cognita, nisi conferendo illam cum inferioribus et respiciendo modum, secundum quem illis inest (2).

Id porro multo evidenter patet, si sermo sit de variis speciebus universalium seu predicabilium; quæ omnes supponunt relationem et comparationem cum illis, de quibus praedicantur, nec inter se distinguuntur, nisi secundum diversam comparationem, ita ut eadem ratio præcisive cognita, prout diversimode comparetur, vel ad diversa subjecta referatur, possit esse diversum predicable (3).

Accedit, quod relatio actualis secundum esse duo postulat extrema. Donec ergo praeter naturam ipsam abstractam, habentur in mente inferiora, in quibus inesse potest, quod fit per comparationem, relatio dari nequit. Præcilio enim sola non præbet nisi fundamentum relationis, nempe naturam abstractam, quæ, quantum est de se, satis habet, ut, accedente termino, exsurgere relatio possit, quemadmodum paries albus de se habet, quidquid requiritur ad hoc, ut, posito alio pariete albo, resulhet realis relatio similitudinis inter utrumque. Necesse est ergo, ut natura illa opponatur suis inferioribus ad habendam relationem illam rationis (4).

Atque hæc est causa, cur Angelicus Doctor saepè dicat intellectum *ad inventore* in rebus consideratis relationes vel intentiones generis, speciei etc., easque *consequi considerationem rationis* (5). Quia natura abstracta, cum sit una apta

(1) Cfr. Conimbric., *In Porhyr. Isagog.*, q. 6, art. 2.

(2) Vide Suar., disp. *Metaph.* 6, sect. 6; et lib. 4.^o de *Anima*, c. 3.

(3) Vide Suar., disp. *Metaph.* 6, sect. 8, n. 5.

(4) Vide S. Thom., *de Potentia*, q. 7, art. 6 et 11.

(5) Vide S. Th., lib. 4. *Metaph.*, lect. 4; *De Natura Generis*, cap. 4; *De Potent.* q. 7, art. 11, ad 2.^{us}

inesset pluribus, si prout talis consideratur respiciendo illa, intellectus invenit in ea vel excoigit varias relationes. *Sicut realis relatio*, inquit S. Thomas, *consistit in ordine rei ad rem, ita relatio rationis consistit in ordine intellectum.* Quod quidem dupliciter potest contingere: uno modo secundum quod iste ordo est adinventus per intellectum et attributus ei, quod relative dicitur. Et hujusmodi sunt relationes, quae attribuuntur ab intellectu rebus intellectis prout sunt intellectae, sicut relatio generis et speciei. Has enim relationes ratio adinventus considerando ordinem ejus, quod est in intellectu, ad res, quae sunt extra, vel etiam ordinem intellectum ad invicem (1).

Nempe quia intellectus reflectit supra seipsum, et super ea, que in eo sunt, sive subjective sive objective (nempe ut cognita), considerat iterum hominem sic a se in intellectum sine conditionibus materiae; et videt, quod talis natura cum tali universalitate potest attribui huic vel illi individuo; et sic format secundam intentionem de tali natura; et hanc vocat universale sive praedicabile (2).

Utrum
universale
sit ens rationis.

177. SCHOLION. Ex hactenus disputatis resolvi quæstio illa potest, utrum universale sit ens rationis, an ens reale.

In primis, si sermo sit de natura ipsa universalitatibus substra, illa est ens reale, saltem plerumque, ut patet ex iis, quæ contra nominales demonstrata superius sunt (3). Dixi saltem plerumque, quia potest intellectus etiam a chimæris et entibus pure fictitiis rationes communes abstrahere; quo pacto scientias disputant de ente rationis, ejusque speciebus. Et cum ratio universalitatibus subjecta hujusmodi est, plane liquet illam non esse ens reale.

Si autem sit sermo de universalitate ipsa seu de intentione universalitatis, sic communiter dici solet non esse ens reale sed rationis, quod in hoc sensu verum est, scilicet quod non est proprietas aliqua neque aliquid intrinsecum et realiter inherens naturæ, quæ denominatur universalis, juxta ea, quæ diximus. Tamen in alio sensu nonnulla distinctione et declaratio-

(1) S. Th., *De Potent.*, q. 7, art. 11. Cfr. ibid. ad 2.^{um}

(2) *Summa totius Logic. Arist.*, tract. 1, cap. 1.

(3) Vide cap. 2, art. 1, et art. 2, hujus capituli 3, n. 169.

tione opus est. Dupliciter enim diximus, naturam posse denominari universalē; primo denominatione absoluta, ac si universaliter subsisteret; secundo denominatione respectiva. Priori modo non est universalitas ens rationis, tamquam aliquid confictum a ratione, sed solum tamquam denominatione extrinseca proveniens ab actu rationis, sicut esse abstractum, cognitum, et alia hujusmodi, quae non dicunt aliquid existens realiter in natura denominata, nec proprie dicunt aliquid ens rationis falsificatum ab intellectu, tamquam objective confictum ab ipso. Quia talia entia non finguntur, nisi dum cogitantur; tunc autem intellectus nihil tale cogitat vel cognoscit. Est ergo denominatione extrinseca a conceptu intellectus; nam, quia per conceptum abstracte et universe representatur, ideo denominatur universalis praedicto modo. Quapropter ut hæc universalitas dicatur esse, non oportet, ut ipsa formaliter vel quasi formaliter cognoscatur, quasi in actu signato; sed satis est, quod natura ipsa cognoscatur tali modo, scilicet preciso et abstracto, ut quasi in actu exercito natura constituta universalis. Et ad hunc modum explicat per denominationem extrinsecam hanc universalitatem Soto» (1).

«Posteriori autem modo loquendo de universalis relative seu de relations universalitatis, satis ex dictis constat universale non esse ens reale, quia illa relatio non est realis, sed rationis» (2).

SOLVUNTUR DIFFICULTATES.

178. Objic. 1.^o S. Thomas sic scribit. *Quamvis hac natura intellecta habeat rationem universalis, secundum quod comparatur ad res, quæ sunt extra animam, quia est una similitudo omnium...* Et ibidem paulo inferiorius: *Non est universalitas illius formæ secundum hoc esse, quod habet intellectum, sed secundum quod ad res refertur, ut similitudo omnium* (3). Quibus similia habentur in Opusculo primo de *Universalibus* (4).

(1) *Logic. de Universal.*, q. 3, art. 1, dub. 2.

(2) Suar., disp. *Metaph.* 6, sect. 7, n. 2 et 3. Cfr. *de Anima*, lib. 4, cap. 3, n. 23; *Vide etiam Rhodes, Philos. perip.*, lib. 4, disp. 3, sect. 5, paragr. 1.

(3) S. Th., *Opusc. de Ente et essent.*, cap. 4.

(4) Non procul ab initio, *Ejus autem universalitas non est ex hoc...*